



**Commentarivs Pavli Bernriedensis, Antiqvi Scriptoris, De  
Vita Gregorii VII. Pontif. Max.**

**Paulus <Bernriedensis>**

**Ingolstadii, 1610**

V. De Epistola Caroli Magni ad Pipinum filium Regem Italiæ; De  
Ecclesiastica immunitate.

---

[urn:nbn:de:hbz:466:1-65381](#)

## CAP VT V.

*De Epistola Caroli Magni ad Pipinum filium, Regem Italiæ. De Ecclesiastica immunitate.*

**S**IC A N C Epistolam limis admodum oculis intuitetur Caluinista: Et parum abest, quia eam reiiciat. Mouetur tamen non nihil auctoritate Sigonij, qui eam ex antiquis monumentis in librum quartum de Regno Italiæ transcripsit. Et ex Sigonio Baronius Tom. 9. Anno DCCC. I. Neq; alia repudiandi causa suppetit Caluinistæ, nisi quia Ecclesiasticam libertatem, & ab exactioribus immunitatem nimis aperte confirmat; & tricatur nescio quid *de stylis inelegantia*; quasi Carolus Magnus suis in scriptis Ciceronis, aut alterius de meliore æuo flosculos consuevit sectari. Mox omnem inelegantiā hæc Epistola exuisit, si Ecclesiis & Monasteriis tantum ademisset, quantum concessit. Nimirum in schola Caluinistarum stylus impolitus est, quicunque Episcopis, Clericis & Monachis aliquid priuilegij concedit. Eam ob causam nil dubito, repudiat quoque Caluinianus Capitulum illud Caroli Magni, cuius initium; *In memoriam beati Petri Apostoli, &c. apud Gratianum d. 19.* Et in Concilio Truburiensi cap. 30. Et illud; quod est apud eundem Gratianum II. q. 1. c. 37. *Volumus, & lib. 6 leg. Francie. cap. 281.* quia nimis sunt illatina & inuenusta, ut pote nimis magnas prærogatiwas Romano Pontifici & Episcopis largientia. Exstat autem hæc Epistola Caroli ad Pipinum etiam inter Capitularia Caroli publicata à Vito Amerbachio: ut proinde eam Sigonius primus nova ediderit.

g

omnis-

omnisque suspicio de impostura, quam Calvinista finit, in auras euaneat.

## CAPVT VI.

## De Testamento Caroli Magni.

**V**ULGAVIT illud Pithœus. Transtulit in Tomum Nonum Annalium Illustrissimus Baronius: In quo ingenuè fatetur, sibi incomptum esse quodnam fuerit Examen vel iudicium Crucis, cuius in Testamento fit mentio: Et cum in Testamento iudicium Crucis permittatur, lib. 1. autem Capitularium cap. 108. quælibet examinatio Crucis prohibeatur; visum est Baronio illud ab hac distingui; & illud, licitum; hanc illicitam esse.

Ad quæ Calvinianus post prodigiosa conuicia: *Synonyma* bac sunt, Baronii, & in hoc usuali sermone æquivalent, sicut purgatio & probatio. Ita quidem & ego sentio; sed num idcirco tantus vir tantis conuiciis inseständus & proscindendus erat, præsertim cum, quod dicit, non careat omni verisimilitudine? Nam quid tu contra his, si Baronius legem illam vetantem solum referat ad probationem & examinationem Crucis seu ligni de Cruce Dominica, de qua dictum à nobis est Tom. 1. de S. Crucelib, 2. cap. 21. Et quam Mallonius in explicacione Sindonis cap. 4. ita describit. Ferunt verū Christi Crucis lignum, sic cognosci, & probari, quod & aquæ iniectum non supernatet, sed statim submergatur; in ignem verò coniectum prunis ipsis quasi signatum, candeat magis, nec absumentur.

Clamas; Sexcentis exemplis te Baronium docere possem, quid sit examinatio seu iudicium Crucis. Cum ad rem ven-

tum